

求是堂詩集

求是堂詩集卷十五

賞春集

涇縣 胡承珙

立春後一日雪

清曉市聲寂  
昨宵幽夢飛  
已看回潤色  
轉覺減寒威  
霽景有時露  
春風何處歸  
舉簾對馴雀  
意得亦忘機  
憶昨鄉書至  
初冬雪已賒  
生涯占麥隴  
歸思問梅花  
塵土清雙轂  
炊烟溼萬家  
呼兒頻掃徑  
吾自煮吾茶

除夕又雪

依然雲匝匝  
復此雪連翩  
舊積如逢伴  
新晴待判年  
閒門希酒債  
薄祭有詩篇  
縱使屠蘇後  
銜杯亦快然

不成披氅出惟愛擁爐看淡入春痕化平延暝色寬紅燈  
茲夕好白屋幾家寒却聽兒童詫庭前玉作團

次韻魯服齋立春日感懷遣興各一首

土牛遲步腹空皤竹馬回頭境已過心逐曉雲飛易倦事  
如春夢醒偏訛將勤未必能償拙知足何須善用多却笑

相逢話歸思年時爲底並蹉跎

君與予皆欲乞假暫歸既而不果

當官會未獻輿箴懷土空思效舄隆任使和風吹滿袖難  
銷涼雪壓斜簪桃符似我年年退柏酒看人細細斟剩許  
游春供買醉近來諛墓不多金

次韻陳碩士前輩元旦試筆自題所作雜文即效其

體

十年宦似窮塞主一室坐作菴闍黎已覺條風活硯水更  
憐殘雪明書帷寄興偶讀有聲畫觸愁始羨無字碑敬禮  
小文須早定子雲後世誰能期

贈吳孝廉

寶潤

燕山風雪幾經寒擊筑悲歌行路難著手縱能驅鬼遁

善君

醫將心猶欲遣人安全家贈我茱萸佩隔菴邀君首蓂盤

莫便扁舟逐鰕菜曲江花好且須看

時君將謁選得司教

碩士前輩招游法源寺看花以事不果往明日以二

詩見示次韻奉酬且訂後約

敝裘春來質幾領尋春宜醉不宜醒孟公不顧尚書期多  
事列侯奉朝請故山酒熟烹黃雞故人催歸曾有詩眼前  
此約不能赴何況千里山中期池魚籠鳥竟誰可周旋久  
矣願爲我安能摧眉復折腰路旁趨避火城火

四更顛倒求衣冠觚棱棲倚漏未殘屬車已扈豹尾後蠹

筆猶望嶠頭斑

是日直頗早然已倦不能赴約矣

駕由宮幸園明園故散歸來遲日

滿蓬戶出門無向但默處囑花稍待終須游憑仗東風爲  
扶樹君詩妙入秋豪顛筆墨以外猶餘妍卜鄰他日不須  
問大作家原在那邊

九十九研圖爲顧梧齋題

此生能著幾兩屐安用胡椒八百石名流嗜好皆是傳但  
須不涉和嶠癖顧君好硯如好色靡麗麗理摩抄劇眼光  
入石無匿疵呵筆成雲有餘澤南游海國經幾年不把珍  
珠問番舶下巖水坑今已稀天獨於君不稍惜塵埋璞玉  
人未知往往壓頭數錢易歸舟載得九十九遲志何難便  
盈百妙用原從虛一藏知足還留大千隙墨欲磨人空復  
堅硯堪計世何須益不見君家文學名八分能使杜陵請  
題壁圖中金粟影飄然他日東吳重真蹟人生夔虵湯相  
憐我僅牕前一泓碧

雨後崇效寺看牡丹

寺僧言種花法甚詳且  
出示紅杏青松圖卷子

輕寒料理過殘春綠意郊原取次勻雨細著枝纔似露花  
開如面不宜塵佛香襲袖皆眞味初地培根是淨因我亦  
小園勤抱甕等閒輸與箇中人

逡巡屢誤看花期酒伴無多各絆羈且喜我來亭午候不

妨人認殿春姿

時同侶有誤疑爲芍藥者

簷間芳樹頻看禿

寺中舊有海棠一株

極盛今其頂髡矣

砌畔陳根那可移剩有長留詩卷在闌梁休恠

老僧癡

### 次韻蘭坡邑邸看花辭

輭紅十丈殢東華斗酒年豐未易賒睡足春風三十日雙  
眸如水合看花

剪綠裁紅一色齊海棠舒萼柳舒蕤入門徑造花深處不  
管藤梢礙帽低

買宅閒坊署券新綠楊猶是一家春  
郎爲吾邑人新置年  
予寓即在其旁  
來事事浮雲變只有名花似故人

半世清狂興不禁每逢花處尚孤斟小園况是藏春塢未  
用荒郊策蹇尋

過客牆頭詫見稀幕天席地擁芳菲便令醉倒香泥浣終  
勝緇塵染素衣

屏風九錫湯相加但著輕旛弄影斜一月閉門觀不足有  
人走馬說看花



新來種樹愛吾廬  
兒解編籬僕荷鋤  
似此園林功幾許  
也應回憶十年前

尊前贏得自由身  
花底無人妬要津  
細數蹉跎十年事  
不會辜負客中春

放手杯空莫候催  
會看秋井塌蒼苔  
飛花一夜瀟瀟雨  
明日多應悔未來

酒邊盟約待重溫  
袖裏詩篇且細論  
萬事回頭如轉燭  
春風吹過便無痕

卽事有贈

曲中只合唱檀來  
一笑芳蘭竟體開  
贏得姓名香滿口  
不

知誰是噉香才

輕雷隱隱走鈿車曉日芙蓉識面初那道城東狹斜路有  
人搔首夜躊躇

百罰深杯不厭多酒潮添暈上微渦當筵魂已禁銷得更  
聽如環一曲歌

都被清愁一段牽判花訟酒度年年君看四月長安市芍  
藥櫻桃並可憐

代朱勣汗有贈

真成移坐看王郎欲託微波已斷腸嫵媚自憐飛鳥意不  
須花外度鶯吭

識字聰明到口知不矜顏影弄妍姿恠他靜似金閨質猶  
記書聲上學時

釣魚臺即事

修眉天際畫西山倒影輕螺浸一灣斜倚微風橋上立衣  
香人影水中閒

滿地濃陰散馬蹄碧絲燕草護長堤扶將一樹臨風玉楊  
柳千條首盡低

門雞臺畔是儂家后土祠前第一花多愧二分明月影照  
人無賴客天涯

恨不攜竿在羨魚桃花落後客來疏憑誰留得花顏色記

取紅潮上頰初

年少三河未染塵酒邊宜笑復宜嗔臨流不辦忘歸去無  
奈橫波飮却人

陶然亭送朱仁齋太守之官嘉定府

平羌江水如碧玉大裁小裁鏡中綠半輪山月疑有情飛  
來却照離筵明離筵忽憶郛筒酒一麾難得陵雲守陵雲  
百尺高嵯峨使君但飲清江波海棠開日紅雲繞絃管香  
風滿城曉直須爲此醉百回免令笑倒彭淵才況今樂土  
稱益二知君卧閣有餘思豈獨岑參能好奇始識巴川足  
勝事風光澹沲城南亭蒲茸含紫蘆芽青折柳頻年送舊

雨落花一輩如晨星

時同里諸君南宮報罷多歸者

太行遮目知幾陘亭

前他日愁重經西風落木望君處思殺江猿吟翠屏

翥雲孝廉榜後移寓敝齋

落花隨地豈能齊芳草連天最易迷二頃未成游子計一枝多傍故人棲住經夜雨醒槐夢歸待秋風墮燕泥判得醉眠過百日玉瓶絲絡爲君提

竹村孝廉榜後暫寓敝齋授兒輩經用前韻贈之

得失何勞問楚齊本來蕉鹿未曾迷陳編肯付枯蟬守低樹聊因短羽棲密蔭簾櫳涼似水長閒門巷淨無泥鯉魚風起秋江近安得壺常豎子提

太元云豎子提壺

送蔡孝廉佇蘭

復午南歸

頻見征車瘦馬馱攀條吹絮意如何蒼苔惜同岑少芳草偏疑別路多老去文章工感慨閒來歲月莫蹉跎荷花七里山塘路歸聽吳娘暮雨歌

幾人摸索失曹劉局外虛令決勝籌剩把桂枝傳弟子猶尋蓮幕客諸侯君家只自憐焦尾年少誰當讓出頭試取灰盤供指畫山川隨地足清游

昨與君言地理數事

寄家蓮浦孝廉

歲歲金鍼暗度人扁舟猶自滯迷津數奇豈必皆秦罪親在惟宜惜政身鬢雪先秋非遂老

君年四十髮已全白硯田得歲未

全貧笑他腐鼠成滋味浩蕩鷗波那可馴

寄滕軒偶成

且向鷓鴣借一枝打頭未要厭喧卑君看繞屋扶疎樹絕  
勝阿房五丈旗

市聲到耳尚人間五嶽愆期髯欲斑招得白雲簷際宿要  
圍幽夢入西山

細數春星掩畫屏月明花葉影瓏玲莫嫌滕本纔如指已  
有清陰覆半庭

喜雨寄蘭坡

百金能買羅穀貯千金能買臺榭處不能買取及時雨挾

得清風扇煩暑豈惟煩暑宜清涼萬事渴雨如瓊漿四月  
不雨已無麥五月不雨將無秧况聞微湖蓄水不及尺轉  
漕何以輸

神倉五更夢回雨奔放滴滴疎棚響清亮但覺涼浮枕簟  
間還疑身在江湖上朝聞百物罷居奇餅師酒保翻惆悵  
却憶前時屏號臻一雨霏微纔灑塵再雨土膏猶未勻及  
茲霖霖既霑足淨洗萬綠生鮮新人情待澤若有恃天心  
濟急再非仁吾儕志願苦易足便擬裁詩報恩速西頭有  
客同襟期得錢沽酒好相促但願五日爲行旬日穀不妨  
泥污褐衣溜穿屋



卷一五  
爲亡友張阮林鈔所著左傳辨杜八卷成有感

吞聲惟死別念至增感傷招魂不成些月黑楓林長伊人  
竟泉下玉樹埋清光遺書委篋笥叢雜希完章存此不盈  
寸十載深膏肓微言扶賈服大義爭當陽相逢捉談麈往  
往鬚眉張臨訣重諉誣在耳言難忘名山定何時夜壑倏  
已藏摩挲託副墨按勘加鉛黃手澤付藐孤楹書實所望  
痛逝行自念恒幹誰能常量已守竹素委懷望屋梁頭白  
亮有時炳燭願詎償初昏見流火白露零瀼瀼鳴蟬發急  
響蕙草棲餘芳掩卷不能寐中夜徒徬徨

爲龔若士編修題玉堂歸娶圖

三年待闕鴛鴦社萬里新開孔雀屏  
贏得爐香天上染雙烟一氣上空青

金碧山川想畫眉十三驛畔馬蹄遲  
天台一種胡麻飯若

問劉郎定得知

君寓劉春舫編修所自貴州清鎮縣十三驛抵雲南界安平縣有天台山在清鎮西

昆池神劒合雌雄陰綬陽文出冶同歸向  
點蒼山下過好

將佳話證猿公

袁簡齋大令有乞假歸娶圖大令自言前身為點蒼山老猿

去年曾送謫仙才

謂李蘭卿舍人

又見天南掛鏡臺爲問曲江前

度事桃花應爲兩人開

七月五日同人集萬柳堂爲鄭康成生日致祭

司農北海天人姿六經絕業千秋師炯如日星麗雲漢亘

若河嶽環陬維巋然通德小天下炎精世亂堯獨治宣尼  
夜半呼起起令人却憶生申時乾象之歷亦已改仰觀流  
火無差池葦蕘東脯致精潔於粲灑掃陳祝詞想見冀州  
高會日攝齋上座揚鬚眉太山太守尚北面何況六代沿  
今茲吾儕落落苦難偶各抱遺經思不朽望塵十丈拜馬  
蹄何如挾策隨車走眼花耳熱千金歡何似經神一杯酒  
此間自是壇坫場相國風流百年後當時裙屐數難終彈  
指園亭竟何有况復登樓思古情碣石沉淪憶來久君不  
見白雲一片漢時秋猶照城東數株柳

夕照寺

亡友阮林  
旅殯在焉

疲驢踏碎薊門烟歧路原知不在天詎料更番秋雨後槐  
花零落殞宮前

偕魯三服參游極樂寺時史大荔園何六弢甫以失  
道後先不值

尋春不到國花堂應補詩篇入錦囊僻處寺能藏野色中  
年人本愛秋光如弦直道猶迷轍傾蓋殘荷已委塘幾度  
車箱塵夢醒合來消受一爐香

### 萬壽寺

寺門臨大道驅馬常悠悠仰憩高柯陰俯送長川流何年  
此締構剝落蟠螭虬洪鐘撞萬鈞夜壑潛移舟

寺舊有大鐘今移于

城北覺生寺

石色黝已古松聲清欲秋縱橫布十笏窈窕成一

邱曠如隔埃盞灑若忘拘囚慮輕物易適趣協境自幽逢

僧話疇昔仿佛吳趨謳

寺外舊有長衢列肆人稱爲蘇州街今已無之

廬里紛撲

地飛甍間朱樓門雞出西郭走馬臨長楸華軒逐水曲輕

蓋如雲浮繁華宛在目寂寞吾何求想像京雒篇眷念濠

梁游詩成定誰索會笑思湯休

贈洪明經櫛堂仍用前贈令兄筠軒州位韻

今代鄱陽快拍肩鄂不輝映德星懸測量古度關經術商

榘疇人入史編

君通算學近日林傳梅定九薛儀甫皆有專傳

史館纂輯儒憶別梅花

剛嶺外

筠軒以通判候補廣東

論文寒雨又尊前詞科故事君家盛

咫尺鑿坡豈杳然

寇白門小照

侯門如海忽揚塵尚有黃金贖此身却恐輕衫騎馬後嬋娟非復畫中人

檀板紅牙紫玉簫秦淮風定夜深潮微波姊妹飄零盡明

月悽涼舊內橋

白門與王微波姊妹皆居珠市近內橋

莫把閒愁訴落花殘山剩水獨知家黑頭江令歸何處不逐春風到狹斜

歌殘金縷病沈懣枉自輸心託少年

事見板橋雜記

解爲秋孌賦

腸斷多情惟有杜樊川

送歐陽棣龕衡出守吾郡

侍史薰香護錦籠，專城三十軼憑熊。  
早知名字題仙署，應有文章繼醉翁。  
城郭至今如畫裏，山川何必異涂中。  
公餘若訪都官宅，烟水蒼茫望未窮。

聞道哀鴻叫晚天，南雲搔首苦憂煎。  
那堪六代繁華習，却

值三吳敝困年。謝守蘭芬新馥郁，

沈約和謝宣城詩，今守馥蘭蓀。吳公棠

蔭舊連蜷。

前守吳見樓先生于乙丑房師。

爲言賈誼才疎甚，遲獻金門策。

一篇

蘭坡屬題霜帷課讀圖

前年展君圖，憶君嬰婉穠。祿中

君前有雪夜綳兒圖，爲本生母趙宜人作。今年

展君圖識君卅角初成童一母哺兒一母教知君恩重難  
爲報可憐恩重遇亦傷螟蛉果羸皆孤孀讀書先識忠孝  
字母言厯厯兒能記兒與尋常人子異一日不讀書誤兒  
終身事一夕不讀書負孀十年志孀從未嫁已無夫兒不  
成名焉用嗣兒跪受母言從此不敢窺門前獨不見干雲  
棹楔門前路猶是兒時抱書處常令母喜莫令怒熨斗爲  
兒作襦袴書聲振木木葉稀嚴霜入戶皆倒飛宮袍雖換  
萊子衣讀書東觀勤思歸白雲下有宣文幃難將腸作轆  
轤轉報得當年夜織機

晚行西郊道中



郭外盡衰草人烟寒不分病駝眠處雨哀鴈去邊雲客鬢  
經秋薄鄉心入夜紛草堂時夢寐未要勒移文

送蘭坡假歸省親

長安居難竟若此十年宦達貧如水知君雖貧樂有餘寫  
成千卷中祕書忍飢讀書亦自好却顧家山念親老况復  
令原急難情人生那作桓山鳥

君近有二兄皆歿

欲居固自難欲

去亦非易一朝翩然策歸騎拙遲巧速百不計但博團樂  
壹笑歡絕勝平安萬言寄開篋重檢遊子衣江南春好迎  
人歸相逢白髮半新舊只有青山無是非山中風日釀春  
色我亦頻年悔拋得丙舍荒涼麥飯寒夢魂欲去無南北

吾儕早合計行藏世事豈容偷食息旁人大笑謂我愚此  
意區區君應識送君酒盡情有餘黃河冰開躍鯉魚大者  
供馨膳小者可以寄尺書回車叱馭貴自審天寒善保千  
金軀

贈查九峯

延華

觀察

扶桑日出滄溟開隱隱萬里聞喧豗陽侯潛沸簸天地鯨  
魚怒吼瘖風雷有時餘波息呀呷三山倒影無纖埃君從  
海上來爲我說海真奇哉我思動靜互根極即此可以覘  
君才一官海外苦拘閔何異巨觶膠滯泥沙隈鯢鵬變化  
運南徙乘風破浪無裒裒君昔翩翩好書記運籌每叩囊

底智三窟馮驩豈代謀百函齡石無留事諸侯齷齪少當  
意掉頭不屑遺鯖惠高牙大纛行及身得志寧忘天下計  
人生行止難自知陸海波濤應更奇好憑忠信成利涉看  
取抽帆到岸時

爲洪孟慈大令題城西詒別圖即送之東湖縣任  
一載東華契知君閉戶深勤修稽古業默養濟時心節操  
承中壘風流託大琴由來覓循吏只合向儒林

輕裝戒徒御一舸上空舲問俗悲秦劫傳芭憶楚靈江從  
天際白山入縣樓青別路懷芳草應知滿訟庭

題阮刺史小雲

常生

吟秋館圖照

家世今誰第一流。桂枝生近小山幽。瑯嬛天上眞仙館。賓客淮南舊選樓。萬卷好書常在眼。二分明月正當頭。遙知清迥江山畔。拍檻陰成碧樹秋。

老圃花開弄影時。花前頻坐倒金卮。

前年雲臺中丞在都嘗招飲于泰華雙碑

之室極文  
讌之樂

西江又數三年別。北海<sub>虛</sub>叨一日知。吾輩平生

幾兩屐。古人懷抱數篇詩。何緣更識郎君面。攜手重看泰華碑。

### 夏至前一夕宿法華寺

鳴鵲催芳已。樹中歸鴉投暮又。城東鄉心倍覺牽。農節塵夢何由到。梵宮剩有鬢絲饒。杜牧湯將詩筆鬪。盧仝<sub>是夕</sub>

憑僧却話西山勝贏得香銷一穗紅

送葉生朝采省親臨汾

太行滴翠沾人衣白雲下向并州飛行人五月井陘度彼  
汾一曲趨庭闈晨葩折送一回首三年兼玉相因依平生  
結交多老蒼少年如子所見稀籬雲逐電不作意何異天  
馬初脫鞿蝸廬鮭菜久相共移情詎必黃金徽七經東授  
有餘術百城南而非空歸君家嚴君精吏事待驅五馬增  
驂駢不須治譜問僧俗要取清德傳胡威少年幾時正須  
惜魯戈縱利甯能揮汲古視力判深淺學道因心成瘠肥  
我生最拙鮮長技平頭四十應知非嗒忘每隱南郭几矯

志欲佩西門韋俗人縣瑱付耳食名士畫餅充朝饑青眼  
高歌更誰屬白頭傾蓋毋相違他時握手長安陌會須示  
子杜德機

次韻謝向亭編修贈句

敢從稷下逞便便未熟南華第二篇苦被名山牽客夢難  
將靈藥返童年風塵况味惟求友詩酒生涯不礙禪却笑  
華嚴彈指易與君平地紮層甌

送范今雨大令浙之任高邑

百事都從齟齬根十年纔得解儒巾高談憂樂關天下信  
手文章慕古人長者自多門外轍使君無改甌中塵相逢

却話冬烘樂記取當時面目真

君有較得菜根私印頃每言及少年爲童子師時

垂柳毵毵覆

御橋馬蹄未算去程遙能令治行高三輔不礙風流似六朝家世紫龍休好畫昔時屠狗倘堪招昇平屢

詔求良政知有丹屏在九霄

### 送張石蘭觀察師之任粵東

大瀛絡坤軸南維包粵甌烟濤萬萬頃微茫信難求孫盧一唱亂餘患貽千秋潢池盡赤子何至煩戈矛馬銜敢當谿致此蓋有由齒繁地力竭化失淳風媮長官本父母一且成仇讐民窮實盜本捕急重洋投陸梁更滿野表裏通

潛謀漁莊最貧餽藉寇誰干擷因之盜有恃刼畧無時休  
師老民重困閩粵同隱憂夫子昔持節海外觀九州擊汰  
渡澎湖長嘯驚陽侯是時妖氛惡旁午軍書稠內訌復多  
慝四境森折鉢運籌妙鎮撫坐使刀爲牛侏儻請冠帶十  
譯開荒陬謂哈什爛初入版圖乃知德感格能令金石柔盤錯試已  
久餘刃恢恢游移旌今指粵忽復鞭螭蚪遙知鼎湖畔歡  
笑迎前騶琪也褫隄領正值鯨鯢收外寓思內弭蠹穴難  
全搜近聞稍萌蘖不治將潰疣所貴大賢詰變化觀鷹鳩  
國門盛祖帳風日張清秋浮雲豁萬里倏見南海頭細流  
豈足擇聊此先塗謳



積雨行城外有感

萬雉鬱嵯峨城濠飛雨過樓臺天外溼烟樹鏡中多老馬  
泥塗歎平原敕勒歌油衣空自好將柰漏痕何

讀司馬相如傳題後

一自游梁賦子虛千秋夸誕此權輿詞人畢竟懷忠愛猶  
有長楊諫獵書

聽烏圖爲鮑某題

黃鵠游四海徘徊思故林不及反哺烏啞啞懷好音願爲  
依母雛不羨翀霄禽稻粱滿中野巢空難復尋朝呼暮還  
噪惻惻傷人心秋墳鮑家子感此淚溼襟空言日中居莫

挽春暉沈引吭天路永斷翮泉扃深枯槎帶流水紙上猶  
蕭森與烏同不寐徹旦常悲墜寄言秦氏兒挾彈毋相信

求是堂詩集卷十六

西臺集

涇縣 胡承珙 墨莊

題江船載月圖送王子卿

澤

太守之任江蘇

秋江清秋月明鯉魚風細寒潮平江上青山舊相識乘潮  
欲共兒童迎扁舟載月輕於紙蘸筆江波碧如綺天教寫  
盡江南山但飲吳淞半江水回看江上謫仙樓曾披宮錦  
樓上頭承明侍從十年久一麾依舊陵滄洲君家短簿好  
祠屋詎異牛渚堪清游三江近接五湖口何地無月無扁  
舟却聞銅山之錢海陵粟近日官司苦不足若將上考署  
催科恐致逃亡費敲朴願賒月色送泉明

見李白送韓侍御之廣德詩

去照江干小家屋

錢農部衍石患痔戲爲一詩問之

先是子亦患此困卧十餘日

造化爲大冶覺寤同遽然陰陽氣時沴鑑井徒跼蹐支離  
託常疾受粟終天年吾生不材木軸解得自全痔病不適  
河巫祝所棄捐譬如白鰯牛免被文繡纏君胡亦嬰此毋  
乃膏自煎獨坐何用娛同病應相憐虎蛟不可覓櫟鳥空  
翩翩二物可已痔見山海經尻輪駕神馬庶與游其天

和翥雲孝廉感懷

才得蘅蘭寄漢臯北風吹客又燕郊懷中刺徹空歸計裒  
裏書成半絕交歲月拚供糜脇酒乾坤何處蓋頭茅十年

我已忘元白  
根觸因君作解嘲

春雪寄翥雲

昨夜重衾壓夢魂  
小牕如霧失朝暾  
六街風急燈無影  
一室春融硯有痕  
薄欲資清銷瘴  
堦倘能分潤到  
田園  
散裘好在相料理  
留得花時付酒尊

第三兒以痘殤

玉雪殊堪念  
蒼星那可

知兒生時以周易筮之吉  
日者推其祿命頗佳

病應無

死法藥竟誤庸醫  
化魍魎猶戀求神我  
亦癡金環空在臂  
何日是來時

念念元夕過  
草草晡盤陳  
紫鳳猶棲褐  
黃雞忽唱晨  
終歸

三尺土祇作一年人旅櫬鄉關隔泉途實少親

邑邸梨花盛開翥雲促予置酒邀同人坐飲其下次

日風雨至矣作此寄蘭坡侍講并柬翥雲

蜂蝶西隣鬧作窩隔牆終日眄庭柯尋常逋債詩居半九十春光病誤多花意殷勤煩久待酒懷牢落易高歌鄮侯火迫君休恠風雨連番柰若何

陰雨連夕梨花盡矣仍次前韻寄蘭坡翥雲

曉雲剛欲置行窩夜雨那堪變舊柯一歲花時能有幾萬

人家樹此無多

京師梨花似此者頗少

玉容寂寞宜含淚金縷玲瓏

試聽歌待到重晴春又盡祇須排日飲亡何

朱公子素濤招游法源崇效寺看花歸集有嘉樹軒

分韻得是字

長安花事稀蕭寺亦無幾城西數株樹一一堪僕指憶昔  
偕計車禪房覓棲止曉枕聞鐘聲呼魂出花底薄宦逾十  
年卜居近塵市花時必清游茶瓜輒移晷歸卧小牕中折  
枝猶可喜況此半畝園紛然雜桃李編籬引曲徑結屋與  
舟似主人身不閒叱馭上隴坻尊甫靜齋侍郎  
時出使在甘肅一枝春較  
遲無由寄驛使令弟謂蘭坡與郎君翩翩接游屣古寺行扣  
扉芳園坐斟醴令我忘幽憂持杯向花醺久客懷江南夢  
去道如咫惟有花開時胸塵快傾洗今春翻苦寒流光去

人駛風雨之所餘稍稍綴紅紫痛飲君莫辭  
逡巡到婪尾  
春鳩鳴屋角首夏明朝是

五月望日出西郊與同人會宿海淀

多病疎人事西郊到亦稀  
自憐青鬢瘦翻妬綠陰肥  
倦馬猶馳道閒禽獨釣磯  
且從三五夜相伴宿清輝

題東坡笠屐圖

瘴雨蠻烟尚有情  
神仙遊戲一身輕  
回看羈玉圍腰客  
翻足拖泥帶水行

笋皮如斗覆頭長  
幾兩平生自蠟忙  
我已十年閒不著  
水雲深處憶江鄉



秋日感懷寄何蔚齋秀才

秋入燕臺第幾層  
思君猶憶佛龕燈  
天街踏月涼于水  
蕭寺攤書定似僧  
自笑老非孤竹馬  
相期翻作脫鞵鷹  
槐花滿路人如織  
爽氣西山見未曾

每欲相從話故關  
清江百里接鸞環  
因諳薄俗憐今雨  
况愛幽情似小山  
人意與雲同入妙  
詩篇如草不容刪  
江亭好約同攜酒  
爲我歸心放白鵬

贈族姪鶴書

不有簪纓累胡爲  
溷輟塵熱腸  
虛作客冷眼  
飽看人勿藥  
方多古長醒  
龕自春

君體健而頗蓄丸散濟人不善飲而好釀酒

何時策鄉杖

歸步賞溪濱

以吾鄉雨前茶饋汪均之與之兄弟

何緣二妙在比隣陸廨東西隔市塵好是讀書深夜後一  
甌冰雪足清人

自別烟蘿久未還故園茶事最相關君看活火烹新綠純  
似江南雨後山

又送茶尖亦吾鄉佳茗也

讀書聲近日相聞小閣冬心擬對君旅客思烹燕地雪故  
人剛寄敬亭雲拂衣淡蕩原同調洗盞濃香合與分好作  
新詩斟酌茶芽莫教輕著伐茶文

余近因病客有勸  
禁茶者故及之

同人集家玉鏤厲邸賞雪分得凍字海字

朔風捲地來十丈塵湏洞彌望鋪同雲青天忽無縫肺病  
昨始蘇宵消入幽夢詖蕩天門開身輕駕白鳳素驂前奔  
馳浩峴後附從驚起看瓊瑤紛飛冒薨棟元氣滋鴻濛靜  
極息羣闕開簾眩心目萬象入妍弄俯玩饑雀馴仰睇飛  
鳥變故人行扣門招邀在隔街移尊足十客開徑逾二仲  
吾儕無幾求此樂天所縱一浣塵土腸興逸那可控到手  
深杯乾莫使酒鱗凍

小園已無花枯株成癰瘡空館當蕭辰相思令人饒飛翼  
一紛披驟覺長精采始知點綴工大巧費真宰戶牖深通

明庭階遍璨璫疎林一俯仰彈指陳跡改春風前時來梨花方蓓蕾促賞開行厨始免風雨悔矧茲見晁消萬事忌姑待可憐冥飛鴻觸處爪痕在明歲花開時重來坐瑤海  
掖垣夜直攜汪與之詩讀之終卷却寄

當代佳公子如君最是賢江山發藻思風雨感華年撫劒青霞氣懷人白雪篇竹梧蕭颯夜把卷欲忘眠

廣南太守何丈不園

愚

索題郡西來吉亭

萬里山川問特磨使君心跡比牂柯汜鄉侯本君家秀曾習中和樂職歌

千載且同

亭名見漢書且平聲

舊有亭木桐花發曉冥冥扶風喜雨

滁豐樂點入蠻山色更青

送家玉鑱由翰林改官費縣

薊野秋風動地來臨歧執策重徘徊  
陵雲賦罷人爭識  
斫地歌頻爾莫哀  
天上賢書須有用  
懷中采筆未妨才  
神仙官府知多少  
肯遣王喬去不回

冠石山光滿馬前行春看浴小沂川  
漢家吏治緣經術  
魯國風詩補管絃  
但使賣刀羣買犢  
何妨漑釜便烹鮮  
二東杼柚應無恙  
見說于今屢有年

鳳雛驥子憶當時須髻相看各未衰  
把酒又爲重九別  
種花已是十年遲  
君先以孝廉應選知縣不就十年後成進士  
清風曷我承家操

霖雨輪君濟物資身事無多還易了石岩松雪有心期  
與君讀書石岩寺  
舊

朱文公牙章名印歌李蘭卿舍人屬賦

六經在室光熊熊照眼恍見研朱紅維公名字印方寸赫  
如赤日當天中慶元黨禁注名籍羣凶指斥皆先公朝端  
曳紱卅日耳御批麾去何匆匆優人乃至以儒戲書生豈  
必眞詞窮苦持剛氣疾輒熟狂瀾欲挽川流洵惡直醜正  
有如此此物圭角甯磨礪君不見晦宇祝聞劉子羽遜父  
箠得蔡季通盛名自古遭齟齬天乃以道昌其躬程門有  
源終印合陸學至晚難符同西銘太極辨不輟想見鈴尾

封郵筒後來竟至判門戶是非自在誰折衷庸流欲附大  
木訥妄人輒敢長城攻豈知正學如正路力行實踐難爲  
功一坯祇可土壤益萬古不廢江河東即看小物重彝鼎  
丹砂晃曜開昏蒙刻畫篆籀見嚴整切磋表裏成昭融名  
山不受風雨蝕象骨何異千辟銅昔游鹿洞拜公像義冠  
濶衷殊雍容公名況自髫髻熟那不奉此當心胸李子邀  
我作長句寸筵便欲撞洪鐘君家七閭我宜歛兩鄉遺跡  
尤尊崇周情孔思滿懷抱寶之永鎮羣書叢但愁驚倒隣  
舍翁光氣夜夜騰長虹

重題景湯風檣陣馬圖

此圖作於甲子年景湯時年方少意氣甚盛予爲  
題七言古詩一章頗寓箴戒之意今景湯年四十  
矣牢落無所成就頗鬱抑不自聊復以此乞題賦  
此解之

阿戎何事尚浮家四十飛騰莫景斜千里聯牀歸是夢十  
年開卷髯俱華終知上坂鞭難著愛聽迴颿鼓好撾早晚  
同尋山水去君租牛具我魚叉

寄米峴谷 伯明經績谿縣教諭

宦游纔百里橫舍若比隣蝶宿花陰晚鶯啼柳巷春酒錢  
無待送官飯不憂貧想得唵風處諸生快飲醇



甘藪紅依幕府蓮飛書草檄致翩翩居官至竟懷鮫客報

國曾經斬水仙

君以捕海盜有功加秩

更向神州持籜節重煩

天語問樓船

御屏早已書名姓知有循聲在海埂

檐車繡斧出長安開闔中原馬上看召杜即今猶屬吏甫

申從古是屏翰清時冥阨空留險雅量神陂好比寬却喜

家山千里近常聞慈竹報平安

太夫人年八十餘

九門風雪話心期一夕旗亭把酒卮蘭石我應憐誼篤

以前

蘭石二字題君齋額晉書桓彝傳吾邑有蘭石鎮故云

苔岑人盡悔交遲嵩陽片月

明前導淮水清流感夢思滿眼蒼葭依翠木各須無忘歲

寒時

次韻陶雲汀給事與高麗貢使唱和

句驪有客艤浮槎望氣逢君一笑譁詩筆早經傳海國山  
川重與問江華揮毫價貴雞林紙入座香分鳳餅茶好是  
菊蘭拈句後掛名應許到君家

明天啟中朝鮮使臣入貢有澹雲微雨小姑祠菊秀

蘭衰八月時之句東坡和張來高麗松扇詩云掛名君家詩集裏

補藤軒次朱蘭坡韻

滿胸塵坳苦難捐讀罷新詩覺灑然歸去薜蘿長在念荷  
來畚鍤且隨緣肯教傳舍荒榛棘

時予方判與風霜厯歲葺腐宅

年見說海波猶日下

朱竹垞古藤書屋在海波寺街

他時誰並舊聞傳

同人邑館賞梨花子以事未與次董近溪

正治 孝廉

韻且訂後會

鄉音團坐笑言齊粉淡香清一樹梨金屋裝成原待洗玉  
壺名好若爲題嚴城更鼓宵偏隔小院秋千夢欲迷此後  
敲門期日涉不須三請用黃鸝

翥雲孝廉寓寄春花塢索贈一律次蘭坡韻

萬種疎狂獨酒親知君不負眼前春尤憐小住閒花塢莫  
悔輕拋舊釣綸風雨相催如過客乾坤無用是銓身江南  
芳訊誰通問我亦天涯繫跡人

翥雲下第後移榻做廬賦此贈之

知已天涯好情親况本宗浪游君覓養薄宦我妨農鶴髮  
殷勤望令原急難逢予時問先兄計百年多感慨何處寫懽悰  
相看渾未老相聚且忘貧但惜杯中物無嫌衆裏身近鐘  
宣古寺高樹借比鄰一榻琴書仄猶堪避俗塵

題萬柳堂話別圖送雲汀給事之川東兵備道

百年高會此城東人物於今豈異同中禁聲名原比鳳外  
臺威望尚乘騄騶芳蘅杜知家近轉楫鹽麻自古通即日  
瞿塘秋漲盛君行先試濟川功

栢府梧垣積衆材霜稜游刃獨恢恢江湖轉漕徵神助竹  
木呈能見吏才

君視漕淮安有禱冰圖近巡視東城修葺育嬰堂數十間和令長身還

有節崔公判手本如雷何當了却官家事阜蓋能忘折野

梅

用少陵句

十載前摹劍閣銘重攜蕩節問青城信知嚴尹安危繫

謂蔣

彌堂制軍

可少文翁禮化成漢使筇枝徵莫急巴人寶布稅常

清承平猿鳥皆歡喜一曲渝歌轉有情

香火盟深近局頻離筵翻惜酒逡巡紅塵點綴宜吾輩錦

里逢迎定有人獄市豈堪膺後寄

時予奉命巡視東城與君相代畫圖

且與認前因

是日拈花寺僧出元人畫軸共觀并查聲山康熙己卯書字一幅至今歲己卯百廿一年

矣君乃題座中諸人姓名其上

他時若憶浮瓜燕江水東流託素鱗

次韻董近溪新秋招集寄春花塢

九衢車馬日悠悠，道暑無方似避讐。  
兼庭院入初秋，雜花得雨紅尤沾。  
頻聞歸路近，幾回殘月掛簾鉤。

疊前韻柬董近溪吳竹仙

森

兩孝廉兼調翟述菴比

部

天涯身世兩悠悠，惟愛鄉音拉雜讐。  
如名士却宜秋雞豚，近局尋常共裙屐。  
長安名利客睡蛇，何事不能鉤。

述菴每至燈上輒欲眠

次韻述菴見贈二首

中年哀樂苦多端，好在朋簪合古懽。  
廣廈那酬寒士願，名

花猶當故人看雀羅門巷居休厭鱸膾江湖覓亦難畢竟

天涯知已在可無回首憶長安

時君將乞假歸里

何必雌雄辨甲辰莫令磨蝎亦纏身

君與予同歲生昨陶雲汀觀察爲予推星

命有官磨蝎與蘇老同風之語故戲及之

浮雲世事空千變舊雨言談只一

真韻律好爲無害吏吟詩終屬有情人遙知甘露軒中客  
王李風流勉後塵

### 王審知德政碑

紇千山雀來且僵羣盜競欲登金牀岩頭矢口滿潮水三  
龍奮迅開閩疆白馬郎君材且強拜劒劒動神飛揚山上  
千年樹阜莢港邊一夕封甘棠豐碑頌德豈盡僞可惜詔

命由朱梁黃金鑄佛已無謂何況繼世尊寶皇九龍帳  
薰陸香鼓山不救風吹楊騎馬來仍騎馬去亡諸往事同  
悲傷君不見三千強弩攔錢塘錦衣玉帶歸故鄉開門作  
得節度使貽謀豈失爲孫郎劉景升兒豚犬耳自相吞噬  
如參商羊來入屋錢入腹坐使先德成銷亡丹蕉施赫荔  
子香行人下馬奠酒漿可憐五縣爲天子何似瑯琊大道  
王

病痔十餘日口號一首東董近溪家翥雲兩孝廉

變閒多病早宜休卧榻無端集百憂萬事須防成養癰

韻集

切委勇

一身如幻況懸疣徒憐肘柳支離狀妄憶尻輪汗漫



游剩把方書銷伏枕微生除藥更何求

題近溪不窺園詩草

紫翠山千疊清冷水一泓吾鄉饒畫意先哲擅詩名

唐咸通時

芳林十哲中許棠即吾邑人見王定保摭言

身手君殊健乾坤氣自清下帷攻

苦久此卷合錚錚

風雪長安夜聯吟送歲徂騷壇雖久寂吾道未應孤好事  
求龍蓄悲歌問狗屠細論他日約雲樹不模糊

病中送述菴歸里

卧病十日不下牀忽聞故人還故鄉霜清一夕驚落木別  
意已與千山長故鄉迢迢好烟水故人家在桃花裏竭來

射策金馬門試著歸鞭僕僮喜憶昔與君俱少年柘枝並  
逐春風顛健如黃犢却復得化爲白鳬殊可憐君今豪致  
仍過我小黠大癡無不可酒酣以往氣復馴令人樂共車  
公坐邑邸故人留尚多挽君驪駒白玉珂季鷹豈是秋風  
客玉局何妨春夢婆君言長安居不易歸挈妻孥亦良計  
但令杯水對孟光肯爲多金詫蘇季只我長煩送客身夢  
君先夢江南春無田多病不歸去空使桃花笑煞人

雪後攜酒約同人登陶然亭用禁體分韻得鹽字

窮陰沍合天如黏大塊捲雪號飛廉長安城中萬爐火熱  
盡不解寒威嚴酒人恃酒百無畏衝風一路牽車檐空亭

物外人跡絕但有凍雀棲危檐可憐積素在閑曠清光已  
被輕塵霑西山娟娟隱雲霧恰似靜女遮重簾皺痕裂指  
冰結髯酒氣乍拂回春恬飲戶寬來并三雅墮肩聳處成  
雙尖老拳競賭座上勝韻脚險向筒中拈聚星故事此重  
舉白戰禁道庭堆鹽興酣耳熱意未厭不知短晷沈西崦  
君不見至後逢壬適九日豐年已兆農夫占遺蝗瘞地麥  
苗盛夢中說餅醒猶甜農家言今歲冬至後九日得壬明年應大熟惟聞黃沁  
決未塞柏冬沸鬱魚羣噉竹槌石菑匪難致所恐萬室無  
襦襜安得投醪竟同醉宜房快築時無淹寄聲元冥勿作  
虐陽和轉曠生窮閭吾儕好事定增倍玉壺勤買爲君添

爲江蘅洲仲農部題乞食紅袖圖

春風花落溧水濱漂母一飯哀王孫悠悠世上半肉眼能  
識英雄惟婦人况復桃花映人面不是紅綃即紅線夫子  
甯終貧賤人郎君倘遇神仙眷君昔翩翩畫省中十年京  
雒重相逢浮雲世事原多變如水臣心豈諱窮無端作此  
成遊戲夢覺何須辨眞僞寶劍猶懷俠士腸明璫省識佳  
人意我亦金門乞粟人侏儒飽死笑長身干宵采筆竟何  
用依舊饑寒趨路塵輸君此卷眞長策男兒只合惺惺惜  
回頭却笑杜陵翁空著儒冠問殘炙

又題紅袖乞詩圖

走馬章臺學畫眉  
調黃暈碧費才思  
何如采筆傳宵夢  
寫付丁娘十索詞

不須天女問維摩  
簾底花枝自裊娜  
爲有嗔情消受得  
紅兒能解雪兒歌

東陽帶孔每移旬  
囊裏詩多不救貧  
我有旗亭題壁句  
也應乞與卷中人

冢宰英煦齋師命題驄馬圖

青雲一抹生綃幃  
奇想見真龍媒試之  
平路豈能別急鞭  
始信非凡才  
憶昨機槍雪紫極  
天狗墮地聲如雷  
吾師繫韉方扈從  
屬車豹尾從容陪  
甘泉夜半遞烽火

帝遣速返禽渠魁馬亦忠誠感人意但有奮迅無遲回霜  
蹠數尋躍白澗草頭一點飛黃埃三時疾走百卅里萬人  
齊唱金吾來嚴城桴鼓傳契箭縛取首惡如提孩鐘簴不  
驚妖氛靖游騎穩步銅街槐功成事定顧牧圉牽來卓立  
無虺隤天生神駿肯伏櫪矯首尚欲周九垓太常都護兩  
驄馬若以比此猶駕駘時平襲養荷恩厚青絲作絡連錢  
隈房精月暗籥歸去敝帷裏送封蒼苔絳騶安唱忽思痛  
唵成汗血留餘哀

師惜驄馬詩有汗血風聲之句

吾師寫此有深意令人

展卷重低徊

廟堂進退佐

天子提銓詎止兼王裴感激馳驅匪難致要從暇豫儲良材不須更範銅作式城東自有黃金臺

己卯分校秋闈供給單雜詠十四首

秋風吹客到重扃藍水渾疑響潤瓶瘳面何心費塗抹廣眉有意畫娉婷看朱幾度愁成碧脫白從茲快拾青恰似染衣逢九烈誰云文字本無靈

藍錠

五星明處篆烟微不夜侯封更賜緋漫道明經皆白蠟可知燃杖有朱衣光分彤管修書坐榮比金蓮照院歸記得第三條盡後淚痕心血一時飛

紅燭

五花作勢白翩翩妍醜分明在眼前卷篋底如幽暗獄硯

池中有蔚藍天含毫待洗沉寃氣握管先操注命權右掖

年來曾讀律

予自去年七月轉掌刑科

此中三尺更森然

判筆

昆吾躍冶定非才偽體紛陳待別裁未必出硎皆霍霍誰  
能游刃最恢恢壯心漫恥雕蟲篆寶氣終思剖蚌胎割取  
泥金才數寸可憐落紙已成堆

裁刀

簡點平生幾石交陶泓初試已投膠磨成鏡樣應知苦敲  
得門開莫便拋針芥可能將玉引瓦苴終恐使田堯懷鉛

輒爲重關阻

御史點名在東西磚門予以丙子與斯役

初向中唐覓一坳

磚硯

琢玉傾銀固自殊瓦甌適用不嫌麤田家盛酒看應慣佛  
法傳衣借與俱射覆祇如占筮數量才何止限甌臾誰爲



感慨悲歌士擊節還防碎唾壺

瓦盆

已隔塵鷄一萬重還將疏布隱房櫺臨牕看奕先多暇撤  
幕焚香亦至公默坐婦疑三日後散朝人憶半天中關心  
每聽銀鉤響矮屋何堪徹夜風

門簾

幾帙叢殘半架虛真如家具少於車常時未免束高閣此  
日空思行秘書杜撰先愁徵引僻包彈休幸勘磨疏

分校每房

禮部各送科場條例一分多置架上

聊將食器縱橫度略當陳編飽蠹魚

書架

一月何煩計宿舂勝他粗糲百年中素餐敢道文章報嘉  
穀無忘殖殖功客有炊珠屑下易人能比玉歲應豐東陽  
草帶從來減儉腹猶資顆粒方

細木

行厨淡薄億嘗新  
勺藥調時却只陳  
三斗未堪逢酷吏  
連房聊與乞比鄰  
文章詭譎同無用  
滋味儒酸此最真  
日費大官供幾許  
可能周禮闕醯人

高醋

廿七風流羨庾郎  
此間苜蓿等閒長  
頻煩送累園官馬  
纖瘦形摹博士羊  
下邑那堪飢色見  
諸生須識齏根香  
銘心已作冰壺傳  
忍負黃齏舊日腸

菜把

水乳交融軟玉團  
刀砧不用便登盤  
淮南昔日傳方法  
門下他時列食單  
雅訓略同幽永字  
佳名尤稱腐儒餐  
平生茹啖原攻苦  
肯效馮驩鋏屢彈

乳菽

啾啾健子小於拳  
公膳雙殲此得偏  
割去鉛刀應免笑  
舐

來丹鼎也成仙十旬養氣纔如木五夜聞聲好著鞭分與  
餘糧同鶴俸先生無寐要談元

雞雛

烝花壓玉話長安也學將軍捧腹寬束脯求師當詎易舉  
肥相士得誠難屬屢肯便輕雞肋知味何須嗜馬肝定有  
虎頭飛食者布衣今日待君看

豬肉